



REPÚBLICA DEMOCRÁTICA DE TIMOR-LESTE
SECRETARIA DE ESTADO PARA A PROMOÇÃO DA IGUALDADE
GABINETE DA SECRETÁRIA DE ESTADO

Diskursu S.E. Sra. Idelta Maria Rodrigues
Sekretária Estadu Promosaun Igualdade
Lansamentu Relatóriu Inestu
JSMP – 1 Agustu 2012

S.E. Sra. Ana Pessoa, Prokuradoria Jerál Repúblika
S.E. Sra. Maria Domingas Alves, Ministra Solidariedade Sosiál
S.E. Sr. Ivo Valente, Vise Ministru Justisa
S.E. Sra. Juiza Maria Natercia, Vise Prezidente Tribunál Rekursu
S.E. Sr. Silveiro Pinto, Ajuntu Provedór Direitu Umánu no Justisa
Exmo. Sr. Diretór JSMP
Exma. Sra. Komisária bá Direitu Labarik
Ajénsia Espesializada ONU
NGO Nasionál no Internasionál
Pradet, Justice Facility, Casa Vida, VPU no Fokupers
Señor no Señora Sira

Iha loron kmanek ida ne'e hau hakarak fó apresiasaun bá JSMP tanba fó ona atensaun bá asuntu importante kona-ba inestu. Saida mak inestu? Inestu refere bá relasaun seksual entre membru família no parente ne'ebé besik.

Tuir lolos, ema ne'ebé apropiadu liu atu koalia kona-ba asuntu ida ne'e mak Komisária bá Direitu Labarik; maibe haré bá katak labarik barak ne'ebé mak sofre, maioria feto, kestaun ne'e mós sai nudar preokupasaun SEPI nian.

Timor-Leste ratifika ona Konvensaun Direitu Labarik iha 2002 iha ne'ebá artigu 19 husi konvensaun refere fó sai katak Estadu Membru sei foti medida lejislativa, administrativa, sosiál no edukasionál ne'ebé apropiadu atu proteje labarik ida husi forma hotu violénsia fizika ka

mental, kanek ka abuzu, abandonadu ka tratamentu negligjente, mau-tratu ka explotaun, inkluzive abuzu seksuál, wainhira labarik ne'e hetan tau matan husi nia inan-aman rasik, inan-aman hakiak ka ema seluk ne'ebé mak responsabiliza labarik ne'e.

Konvensaun Eliminaun Forma Diskriminasaun Oin-Oin Kontra Feto (CEDAW) iha rekomendasaun jerál, artigu 16 no artigu 5 hateten katak violénsia iha família sai nudar forma violénsia ne'ebé perigu liu bá feto. Tipu violénsia ne'e bele mosu iha sosiedade ne'ebé deit.

Iha família laran, feto ho tinan saida deit bele sai vítima bá violénsia oin-oin inklui baku, viola, asaltu seksuál, mental no forma violénsia seluk, ne'ebé buras tanba atitude tradisionál. Ladun iha independénsia iha ekonomia obriga feto barak hela nafatin iha relasaun ne'ebé violentu.

Ho komentariu hirak ne'e, komite CEDAW rekomenda katak orgaun estadu presiza garantia katak lei kontra violénsia familiar no abuzu, viola, asaltu seksuál no violénsia ne'ebé bazeia bá jéneru seluk, fó protesau diak bá feto hotu no respeita sira nia integridade no dignidade.

Protesau apropriadu no apoiu presiza fó bá vítima. Treinamentu ho perspetiva jéneru husi lei nain sira no ofisiál públiku seluk esensiál bá implementasaun efetivu husi konvensaun refere.

Sasukat ne'ebé nesésariu atu ultrapasa violénsia familiar inklui fó apoiu bá feto ne'ebé iha nia família rasik hakarak ka halao relasaun seksuál ka komete abuzu seksuál.

Lei kontra violénsia doméstika promulga ona iha 21 Juñu 2010. Definisau violénsia doméstika iha lei ne'e mak atu habelar para bele kobre ema hotu-hotu iha situasaun família, inklui labarik no ema ne'ebé iha kontestu dependente hanesan labarik sira ne'ebé mak laiha relasaun família no hakiak husi família ida no mós traballadór doméstiku sira.

Agora dau-dauk iha uma mahon lima (5) ne'ebé eziste iha Timor-Leste bá vítima violénsia doméstika, inklui sentru bá labarik sira ho fasilidade rezidensiál bá labarik feto. Iha 2 Agustu 2012 hau sei bá partisipa iha Serimónia Inaugurasaun Uma Mahon Maria Tapó iha Distritu Bobonaru, Sub-Distritu Maliana.

Ho prezensa membru governu, Tribunál Rekursu no PDHJ hatudu katak iha kompromisu bo'ot bá asuntu inestu.

Hau espera katak lansamentu relatóriu ohin bele kontribui bá kresimentu koñesimentu públiku nian relasiona ho problema inestu iha Timor-Leste.

Obrigada